

昌黎先生文集

二



昌黎先生文集卷第二

古詩二十九首

門人李

漢編

北極贈李觀



北極有羈羽南溟有沉鱗川源浩浩隔影響兩無因風
雲一朝會變化成一身誰言道里遠感激疾如神我年
二十五求友昧其人哀歌西京市乃與夫子親所尚苟
同趨賢愚豈異倫方為金石姿万世無緇磷無為女兒
態憔悴悲賤貧

此日足可惜贈張籍

此日足可惜此酒不可嘗捨酒須一作去相語共分一日
光念昔未知子孟君自南方自矜有所得言子有文章
我名屬相府欲往不得驥一作行思之不可見百端在心

昌黎

腸維時月魄死冬日朝在房駢馳公事退聞子適及牆

一作墮

命車載之至引坐於中堂開懷聽其說往往副所

望孔丘歿已遠仁義路久荒紛紜百家起詭怪相披猖
長老守所聞後生習為常少知誠難得純粹古以三譬彼
植園木有根易為長留之不遣去館置城西旁歲時未
去幾浩浩觀湖一作江湘衆夫指之笑謂我知不明兒童
畏雷電魚鼈驚夜光州家舉進士選試繆所當馳辭對
我策章句何焯煌相公朝服立工席歌鹿鳴禮終樂亦
闕相拜送於庭之子去須臾赫赫派盛名竊喜復一作康
仍竊歎諒知有所成人事安可怛奄忽令我傷聞子高
第日正從相公喪哀情逢吉語愀怛難為雙暮宿偃師
西展轉在空牀一作徒展轉在牀夜聞汴州亂繞壁行彷徨我

乃弃妻子倉卒不及將相見不復期零落甘所丁驕女
未絕乳念之不能忘忽如在我側耳若聞啼聲中途安
得返一日不可更俄有東來說我家免罹殃乘船下汴
水汴水東去超彭城從喪至洛陽一作從喪至洛旋走不及
停假道經盟津出入行間岡日西入軍門羸馬顛且僵
主人願少留延入陳牽觴卑賤不敢辭忽忽心如狂飲
食豈知味絲竹徒轟轟平明脫身去决若驚鳧翔黃昏
次汜水欲過一作齊無舟航號呼久乃至夜濟十里黃中
流上沙灘一作灘沙水不可詳驚波暗合昏星宿爭翻芒
馬乏復一作躑躅悲鳴左右泣僕童甲午越時門臨泉窺闢
龍東南出陳許陂澤何茫茫一作茫茫道邊草木花紅紫
相低昂百里不逢人角角雉一作雉鳴行行二月暮乃

昌二

二

及徐南疆下馬步堤岸上船拜吾兄誰云經艱難百口
無天殤僕射南陽公宅我睢水陽篋中有餘衣盎中有
餘糧閉門讀書吏清風窻戶涼一作窻戶涼日念子來遊
子豈知我情別離未爲久辛苦及所經對食每不飽共
言無倦聽連延三十日晨坐達五更我友二三子官遊
在西京東野窺禹穴李翱觀濤江蕭條千万里會合安
可逢淮之水舒舒楚山直叢叢子又捨我去我懷安一作
馬所窮男兒不再壯百歲如風狂高爵尚可求無爲守

一鄉

幽懷

幽懷不可一作能寫行此春江潯適與佳節會士女競光
陰疑粧耀洲渚繁吹蕩人心間關林中鳥亦知爲和音

一作和豈無一罇酒自酌還自吟但悲時易失四序迭
為音相侵我歌君子行規古猶規今

君子法天運

君子法天運四時可前知小人惟所遇寒暑不可期利
害有常勢取捨無定姿焉能使我心皎皎遠憂疑

落葉送陳羽

落葉不更息斷蓬無復歸飄飄終自異邂逅暫相依悄
悄深夜語悠悠寒月輝誰云年少別添淚各霑衣

歸彭城

天下兵又動太平竟何時訐謀者誰子無乃失所宜前
年關中旱閭井多死飢去歲東洛一作水生民為添尸
上天不虛應禍福各有隨我欲進短策無由至丹墀刻

昌二

二

肝以為紙瀝血以書辭上言陳堯舜下言引龍蔓言詞
多感激文字少萎蕤一讀已自怪再尋良自疑食芹雖
云美獻御固已癡緘封在骨髓耿耿空自竒昨者到京
城屢陪高車馳周行多俊異議論無瑕疵見待頗異禮
未能去毛皮到口不敢吐徐徐俟其噉一作歸來戎馬
間驚顧似羈雌連日或不語終朝見相欺乘間趣騎馬
茫茫詣空陂遇酒即酩酊君知我為誰

醉後

煌煌東方星柰此眾客醉初喧或忿爭中靜一作惟一作嘲
戲淋漓一作浪一作身上衣顛倒筆下字人生如此少酒賤且
勤置

醉贈張秘書

人皆勸我酒我若耳不聞今日到君家呼酒持勸君為

此座上士一作客及余各能文君詩多態度藹藹春空雲

東野動驚俗天葩吐奇芬張藉學古談軒昂一作鷓鴣避雞

群阿買不識字頗知書八分詩成使之寫亦足張吾軍

所以欲得酒為文俟其醺酒味既冷冽酒氣一作煙又氤

氲性情漸浩浩諧笑方去去此誠得酒意餘外徒續紛

長安眾富兒盤饌羅羶葷不解文字飲惟能醉紅裙雖

得一餉樂有如聚飛蚊今我及數子固無猶與薰險語

破鬼膽高詞娘一作動皇墳至寶不彫琢神功謝鋤耜方

今向太平元凱承華勛吾徒幸無事庶以窮朝曛

同冠峽

南方二月半春物亦已少維舟山水間晨坐聽百鳥

昌二

四

雲尚含姿朝日忽升曉羈旅感陽和囚拘念輕矯潺湲

浚久迸詰曲思增繞行矣且無然蓋棺事乃了

送惠師

惠師浮屠者乃是不羈人十五愛山水超然同隱淪一作

謝朋脫冠剪頭髮孤一作飛步遺蹤塵發跡入四明梯空

上秋旻遂登天台望眾壑皆嶙峋夜宿最高頂舉頭看

星辰光芒相照燭南北爭羅陳茲地絕翔走自然嚴且

神微風吹木石澎湃聞韶鈞夜半一作半夜起下視溟波街

日輪魚龍驚踴躍叫嘯成悲辛怪氣或紫赤敲磨共輪

囿金鴉既騰翥六合俄清新常聞禹穴奇東去一作下窺

甌閩越俗不好古派傳失其真幽蹤邈難得聖路嗟長

堙迴臨浙江濤屹起高岷岷壯志死不息千年如曩晨

是非竟何有弃去非吾倫凌江詣廬岳浩蕩極遊巡崔
峯沒雲表陂陀浸湖淪是時雨初霽縣瀑垂大一作天紳

前年往羅浮步屐南海濬大哉陽德盛榮茂恒留春鵬

騫塹長翻鯨戲側脩鱗自來連州寺曾未造城闔日携

青雲一作春客探勝窮崖濱太守邀不往群官請徒頻一作

其志信不羣囊无一金資翻為一作謂富者貧昨日忽不見我

令訪其鄰奔波自追及把手問我因顧我却一作顧興却我

歎君寧異於民離合自古然辭別安足珍吾聞九疑好

夙志今欲伸班竹啼舜婦清湘沉楚臣衡山尚洞庭此

固道所循尋崧方抵洛歷華遂之秦浮游靡定處偶往

即通津吾言子當去子道非吾遵江魚不池括野鳥難

籠馴吾非西方教憐子狂且醇吾嫉惰遊者憐子愚且

昌二

子

諄去矣各異趣何為浚沾巾

送靈師

佛法入中國爾來六百年齊民逃賦役高士著幽禪官

吏不之制紛紜聽其然耕桑日失隸朝署時遺賢靈師

皇甫姓胤胄本蟬聯少小涉書史早能綴文篇中間不

得意失跡成延遷逸志不拘教軒騰斷牽攀園基闢白

黑生死隨機權六博在一擲梟盧叱迴旋爭一作文戰誰

與敵浩汗橫戈鋌飲酒盡百醖嘲諧一作詈思愈鮮有時

醉花月高唱清且絲四座咸寂默杳如奏湘絃尋勝不

憚險黔江屢回公瞿塘五六月驚電攘歸舫怒水忽中

裂千尋墮幽泉環迴勢益急仰見團團天投身豈得計

性命甘徒捐浪沫蹙翻涌漂浮再生全同行三十人

骨俱坑塹靈師不掛懷冒涉道轉延開忠二州牧詩賦

世多傳壽處厚白居易失職不把集珠璣為君編強留費

日月密席羅嬋娟昨者至林邑使君數開筵逐客三四

公盈懷贈蘭荃游湖泛萍沆溪宴駐潺湲別語不許出

行裾動遭牽鄰州競招請書札何翩翩十月下桂嶺乘

寒恣窺綠落落王貞外爭迎獲其先自從入賓館占松

久能專吾徒頗攜之一作接宿窮歡妍聽說兩京事分

明皆眼前縱橫雜謠俗瑣屑咸羅穿才調真可惜朱丹

在磨妍方將斂之道且欲冠其顛韶陽李太守高步凌

雲煙得客輒忘食開囊乞繒一作錢手持南曹叙字重

青瑤鐫古氣參豕一作象高標摧太玄維舟事干謁披

讀頭風痊還如舊相識傾壺暢幽情以此復留滯歸驂

幾時鞭

懸齋有懷

少小尚奇偉平生足悲吒猶嫌子夏儒肯學樊遲稼事

業窺稷卨文章篋曹謝濯纓起江湖綴珮雜蘭麝悠悠

指長道去去策高駕誰為傾因媒自許連城價初隨計

吏貞屢入澤宮射雖免十上勞何能一作曾戰霸人情

忌殊異世路重權詐蹉跎顏遂低摧折氣愈下冶長信

非罪侯生或遭罵懷書出皇都街浹渡清灞身將老寂

寞志欲死閑暇朝食不盈腸冬衣纔掩骼一作枯駕軍書既

頻召戎馬乃連跨大梁從相公彭城赴僕射弓箭圍狐

兔絲竹羅酒商兩府變炎涼三年就休假求官來東洛

犯雪過西華塵埃紫陌春風雨靈臺夜名聲荷朋友接

引之姻婭雖陪彤庭巨詎縱青真一作雲 靶寒空聳危關
曉色曜脩架捐驅辰在丁 鍛翻時方藉投荒誠職分領
邑幸寬赦湖波翻日車嶺石圻天罅毒霧拍曛晝炎風
每燒夏雷威固已加颶一作鵬 勢仍相借氣象杳難測聲
音吁可怕夷言聽未慣越俗循一作脩 猶尔指摘兩憎嫌
睚眦互猜訝抵緣息未報豈謂生足藉嗣皇新繼明率
土日流化惟思滌瑕垢長去事桑柘斲蒿開雲扃駭穎
抗風榭禾麥種滿地黎棗栽繞舍兒童稍長成雀鼠得
驅嚇官租日輸納村酒時邀迂閑愛老農愚歸弄小女
姪如今便可爾何用畢婚嫁

題合江亭寄刺史鄒君

江一作洪 亭枕湘江蒸水會其佐瞰臨眇空闊綠淨不可

昌二

七

唾雜昔經營初邦君實王左故相齊映之所作 剪林遷神祠買

地費一作匱 家貨梁棟橫一作宏 可愛結構麗匪過伊人去

軒騰茲宇遂頽挫老郎來何暮高唱久乃和宇文郎中又增其

制樹蘭盈九畹栽竹逾萬箇長綆汲滄浪幽蹊下坎坳

波濤夜俯聽雲樹朝對卧初如遺宦情終乃最郡課人

生誠无幾事往悲豈那蕭條絲歲時契闊繼庸瑣一作儒

勝事誰復論醜聲日已播中丞黜凶邪天子閔窮餓君

侯至之初閭里自相賀前刺史元澄无政廉使楊公淹中丞奏黜之朝廷遂用鄒君淹

滯樂閑曠勤苦勸慵惰為余掃塵增命樂醉眾座窮秋

感平分新月憐半破願書巖上石勿使塵堦沈

陪杜侍御遊湘西寺獨宿有題獻揚常侍

長沙千里平勝地猶在險况當江闊處斗起勢匪一作非

漸深林高玲瓏青山上一作生 琬琰路窮臺閣闢佛事煥

且儼剖竹走泉源開廊架崖戶是時秋初殘暑氣尚未

斂群行志後先困册一作息 弃拘檢客堂喜風涼華榻有

清簟澗蔬煮蒿芹水果剥菱芡伊余夙所慕陪賞亦去

忝幸逢車馬歸獨宿門不掩山樓黑无月漁火燦星點

夜風一何喧杉檜屢磨颭猶疑在波濤怵惕夢成魘靜

思屈原沉遠憶賈誼貶椒蘭爭妬忌絳灌共讒諂誰念

悲生腸坐使淚盈臉翻飛之一作摧 羽翼指摘困瑕玷珥

貂藩維重政化類分陝礼賢道何優奉已事苦儉大厦

棟方隆巨川截行刻經營誠少暇游宴固已歉旅程愧

淹留徂歲嗟荏苒平生每多感柔翰遇頻染展轉嶺猿

鳴曙燈青燄燄一作 燄燄

岳陽樓別竇司直

昌二

八

洞庭九州間厥大誰與讓南維羣崖水北注何奔放瀝

為七百里吞納各殊狀自古澄不清環浪无歸向炎風

日搜攪幽怪多冗長軒然大波起宇宙隘而妨魏莪拔

嵩華騰躍一作 較健壯聲音一何宏轟磕車方兩猶疑

帝軒轅張樂就空曠蛟螭露笱窟縞練吹組一作 帳鬼

神非人世節奏頗跌踣陽施見誇麗陰閉咸一作 悽愴

朝過宜春口極地一作 缺堤障夜纜巴陵洲葦葑繞可

傍星河盡涵泳俯仰迷下上餘瀾怒不已喧聒鳴甕盎

明登岳陽樓輝煥朝日亮飛廉戢其威清晏息纖纒汎

澄湛凝綠物影巧相况一作 江豚時出戲驚波忽蕩漾

時當孟冬月一作 孟隙敦縮寒漲前臨指近岸側坐眇

難望滌濯神魂醒幽懷舒以暢主人孩童舊握手乍忻
悵憐我竄逐歸相見得無恙開筵交履舄爛漫到家釀
盃行無留停高柱送清唱中盤進橙一作棗投擲傾脯
醬歡窮悲心生婉孌不能忘念昔始讀書志欲干霸王
屠龍破千金為藝亦去冗愛才不擇行觸事得讒謗前
年出官日一作由此禍最無妄公卿採虛名擢拜識天仗
茲猜畏彈射斥逐恣欺誑新恩越府庭逼側厠諸將吁
嗟若鶩緩但懼失宜當追思南渡時魚腹甘所葬嚴程
迫風帆劈箭入高浪顛沉在須臾忠鯁誰復諒生還真
可喜刻已自懲創庶從今日後粗識得與喪事多改前
好趣有獲新尚誓耕十畝田不取方乘相細君知蠶織
稚子已能餉行當掛其冠生死君一訪

送文暢師北遊

昔在四門館晨有僧來謁自言本吳人少小學城闕已
窮佛根源粗識事輒輒攀拘屈吾身一作真戒轄思遠發
薦紳秉筆徒聲譽耀前闕一作門從行送吾詩一作從來
屢造忍顛蹶今成十餘卷浩汗羅斧鉞先生閱窮巷未
得窺剗剗又聞識大道何路補剗剗出其囊中文滿聽
實清越謂僧當少安草序一作茅頗排訐上論古之初所
以施賞罰下開迷惑宵零豁斷株糜僧時不聽瑩若飲
水救渴一作喝風塵一出門時日多如髮三年竄荒嶺守
縣坐深樾微租聚異物詭制恒一作恒巾鞵幽窮與誰語
思想甚含噦昨來得京官照壁喜見蝎况逢舊親識庶
不比鷓鴣長安多門戶弔慶少休歇而能勤來過重惠

安可揭當今聖政初恩澤寬狷狷上許出反胡為不自
暇飄戾逐鷗驚僕射領北門威德壓胡羯相公鎮幽都
竹帛爛勳伐酒場舞聖妹獵駢圍邊月開張篋中寶自
可得津筏從茲富裘馬寧復茹藜藜余期報息後謝病
老耕空底身拍蓬茅逢志縱檢獨僧還相訪來山藥煮
可搗

答張徹

辱贈不知報我歌爾其聆首叙始識面次言後分形道
塗綿萬里日月垂十齡浚郊避兵亂睢岸連門庭肝膽
一古劍波濤兩浮萍漬墨竄舊史磨丹注前經義苑手
秘寶文堂耳驚霆暄晨躡露鳥暑多眠風櫺結友子讓
抗請師我慙丁初味猶噉蔗遂通新建瓊搜竒日有富

易

一

嗜善心無寧石梁半佺佺沙水光泠泠乘枯摘野艷沈

細抽潛腥遊寺去登陟

一作

獻尋徑

一作

返穿汀綠雲竹

竦竦失路麻冥冥淫潦忽翻野平蕪眇開頃防世整夜

寒懼衝城晝扃及去事戎轡相逢宴軍伶觥秋縱兀兀

獵宴

一作

馳駟駟從賦始分手朝京忽同齡急時促暗

棹戀月留唐亭畢

一作

事駟傳馬安居守窻螢梅花灞

水別宮燭驪山醒省選逮捉足鄉賓尚摧翎塵祛又一

揜浚背還雙熒洛邑得休告華山窮絕陘倚巖睨海浪

引袖拂天星日駕此迴轄金神所司刑泉紳拖修白石

翎攢高青磴蕤蕤拳踞梯飈飈伶俜悔狂已咋指垂誠

仍鑄銘峨豸忝侷列伏蒲愧分涇微誠慕橫草瓊力摧

撞筵疊雪走商嶺飛波航洞庭下險疑墮井守官類拘

園荒殄茹獠蠱幽夢感湘靈刺史肅蒼蔡吏人沸蝗螟
點綴簿上字超躡閣前鈴賴其飽山水得以娛瞻聽紫
樹雕斐盞碧流滴瓏玲映波鋪遠錦揮地列長屏愁欹
酸骨死怨一作怪花醉鬼馨潛苞絳實圻幽孔翠毛零赦
行五百里月變三十真漸階群振鷺入學誨螟蛉華甘
謝鳴鹿壘滿慙整餅囧抱瑚璉飛飛聯鵲鳩魚驪欲
脫背虬精光一作先照釧豈獨出醜類方當動朝廷勤
來得晤語勿憚宿寒廳

薦士

周詩三百篇麗雅理訓誥曾經聖人手議論安敢到五
言出漢時蘇李首更號東都漸瀰漫瓜別百川導建安
能者七卓犖變風操逶迤抵晉宋氣象日凋耗中間數

鮑謝比近最清奧齊梁及陳隋眾作等蟬噪搜春摘花
卉公襲傷剽盜國朝盛文章子昂始高蹈勃興得李杜
萬類困凌暴後來相繼生亦各臻閩奧有窮者孟郊受
材實雄鷲真觀洞古今象外逐幽好縱橫盤硬語安帖
力排鼻敷柔肆紆餘奮猛卷海濤榮華肖天秀健疾愈
響報行身踐規矩甘辱耻媚竈孟軻分邪正眸子看瞭
眊杳然粹而精一作清可以鎮浮躁酸寒溧陽尉五十幾
何耄孜孜營甘旨辛苦久所冒俗流知者誰拍住競嘲
傲聖皇索遺逸髦士日登造廟堂有賢相愛遇均覆燾
况承歸與張二公迭嗟悼青真送吹噓強箭射魯縞胡
爲久無成使以歸期告霜風破佳菊嘉節迫吹帽念將
決焉去感物增戀嫪盧到反音勞彼微水中荇尚煩左右毛

魯侯國至小廟鼎猶納部幸當擇珉玉寧有弃珪瑁悠
悠我之思擾擾風中燾上言愧無路日夜惟心禱鶴翎
不天生變化在咏抱薄報通波非難圖尺地易可漕善
善不汲汲後時徒悔懊救死具八珍無一作如一簞犒
微詩公勿謂愷悌神所勞

喜侯喜至贈張籍張徹

昔我在南時數君長在念摇摇不可止諷詠日喁喁檢
反如以膏濯衣每漬清一作垢愈凜又如心中疾箴石非
所破常思得遊處至死無倦厭地遐物竒怪水鏡函石
翎荒花窮漫一作亂幽獸工騰閃礙目不忍窺忽忽坐
昏墊逢神交所祝豈忘靈即驗依依夢歸路歷歷想行
店今者誠自幸所懷無一欠孟生去雖索侯氏來還歎

不另二

十二

歌枕聽新詩屋角月艷艷新作承間騁文一作驚古互

譔反念反續紛指瑕疵拒捍阻城塹以余經摧挫固請發

鈇槩居然妄推讓見謂熟天焰比踈語徒妍悚息不敢

占呼奴具盤飧餽魚菜贍人生但如此朱紫安足僭

古風監本止作一首
慶曆本作二首

今日日一作曷不樂幸時不用兵無日既蹙矣乃尚可以
生

彼州之賦去汝不顧此州之役去我奚適一邑之水可
走而遠天下湯湯曷其而歸好我衣服甘我飲食無念
百年聊樂一日

驚驥

驚駘誠齷齪市者何其稠力小苦一作易制價微誠易

酬渴飲一斗水飢食一束芻嘶鳴當大路志氣若有餘
騏驥生絕域自矜無匹儔牽驅入市門行者不爲留借
問價幾何黃金比蒿丘借問誰能御曠世不可求惟昔穆
玉山禾渴飲醴泉流借問誰能御曠世不可求惟昔穆
天子乘之極遐遊王良執其轡造父夾其輅因言天外
事况一作惚使人愁驚駘謂騏驥餓死余尔羞有能必
見用有德必見收孰云時與命通塞皆自由騏驥不敢
言低徊但垂頭人皆劣騏驥共以驚駘優喟余獨興歎
才命不同謀寄詩同心子爲我商一作聲謳

馬馱穀

馬馱穀兮士不馱糟粕土被文綉兮士無短褐彼其得
志兮不我虞一朝失志兮其何如已焉哉嗟嗟乎鄙夫

易二

三

出門

長安百万家出門無所之豈敢尚幽獨與世實參差古
人雖已死書上有遺一作辭開卷讀且想千載若相期
出門各有道我道方未夷且於此中息天命不吾欺

嗟哉董生行

淮水出桐栢山東馳遙遙千里不能休淝水出其側不
能千里百里入淮流壽州屬縣有安豐唐貞元時縣
人董生召南隱居行義於其中刺史不能薦天子不聞
名爵祿不及門門外惟有吏日來徵租更索錢嗟哉董
生朝出耕夜歸讀古人書盡日不得息或山而樵或水
而漁入厨具旨甘上堂問起居父母不慙感妻子不咨
咨嗟哉董生孝且慈人不識惟有天翁知生祥下瑞無

時期家有狗乳出求食雞來哺其兒喙喙庭中拾虫蟻
哺之不食鳴聲悲傍徨躑躅久不去以翼來覆待狗歸
嗟哉董生誰將與儔時之人夫妻相虐兄弟為讎食君
之祿而令父母愁亦獨何心嗟哉董生誰將與儔一作將無

烽火

登高望烽火誰謂塞塵飛王城富且樂曷不事光輝勿
言日已暮相見恐行稀願君孰念此秉燭夜中歸我歌
寧自感乃獨泪霑衣

汴州亂二首

汴州城門朝不開天狗墮地聲如雷健兒爭誘一作殺
畱後連屋累棟燒成灰諸侯咫尺不能救孤士何者自

興哀

母從子走者為誰大夫夫人留後兒昨日乘車騎大馬
坐者起趨乘者下廟堂不肯用于戈嗚呼柰汝母子何

利劍

利劍光耿耿佩之使我無邪心故人念我寡儔侶持用
贈我比知音我心如冰劍如雪不能刺讒夫使我心腐
劍鋒折决雲中斷開青天噫劍與我俱變化歸黃泉

齷齪

齷齪當世士所憂在飢寒但見賤者悲不聞貴者歎大
賢事業異遠抱非俗觀報國心皎潔念時涕汎瀾妖媚
坐左右柔指發哀彈酒肴雖日陳感激寧為歡秋雲欺
白日泥潦不少乾河堤决東都老弱隨驚湍天意固有

屬誰謂一作能詰其端願辱太守薦得充諫諍官掛雲叫
閭闔披腹呈琅玕致君豈無術自進誠獨難

昌黎先生文集卷第二

昌黎先生文集卷第三

古詩

門人李

漢編

河之水寄子姪老成

二首

河之水去悠悠我不如水東流我有孤姪在海陬三年
不見兮使我生憂日復日夜復夜三年不見汝使我鬢
髮未老而先化

河之水悠悠去我不如水東注我有孤姪在海浦三年
不見兮使我心苦採薇于山緡魚于泉一作我徂京師
不遠而還

山石

山石犖确行徑微黃昏到寺蝙蝠飛升堂坐階新雨定
芭蕉葉大支子肥僧言古壁佛畫好以火來照所見稀

昌二

鋪床拂席置羹飯踈糲亦足飽我飢夜深靜卧百虫絕
清月出嶺光入扉天明獨去無道路出入高下窮煙霏
山紅澗碧紛瀾漫時見松檜一作皆十圍當流赤足躡
澗石水聲激激風吹生一作衣人生如此自可一作自樂豈
必局束為人鞿嗟哉吾黨二三子安得至死一作老不更歸

天星一首

一首元送楊凝郎中賀正

天星牢落雞喔咿僕夫起殮車載胎正當窮冬寒未已
借問君子行安之會朝元正無不至受命上宰湏及期
侍從近臣有虛位公今此去何時歸一作歸何時

汴泗交流一首贈張僕射

汴泗交流郡城角一作斬場千步平如削短垣三面繚
逶迤擊鼓騰騰樹赤旗新秋朝涼未見日公早結束來

何為分曹決勝約前定百馬攢蹄近相映毬驚杖奮會合
且離紅牛纓紱黃金羈側身轉臂著馬腹霹靂應手神
珠馳超遙散漫兩閑暇揮霍紛紜爭變化發難得巧意
氣麤麤聲四合壯士呼此誠習戰非為劇豈若安坐行
良圖當今忠臣不可得公馬莫走須殺賊

忽忽

忽忽乎余未知為生之樂也願脫去而無因安得長翻
大翼如雲生我身乘風振奮出六合絕浮塵死生哀樂
兩相棄是非得失付閑人

鳴鴈

嗷嗷鴻鴈鳴且飛窮秋南去春北歸去寒就暖識所依
天長地闊棲息稀風霜酸苦稻梁微毛羽摧落身不肥

昌三

二

徘徊反顧羣侶違哀鳴欲下洲渚非江南水闊朝一作
雪多草長沙軟無網羅閑飛靜集鳴相和遠憂懷息一作
惠性匪他凌風一舉君謂何

龍移

天昏地黑蛟龍移雷驚電擊雄雌隨清泉百丈化為土
魚鱉枯死吁可悲

雉帶箭

原頭火燒靜兀兀野雉畏鷹出復沒將軍欲以巧伏人
盤馬弯弓惜不發地形漸窄觀者多雉驚弓滿勁箭加
衝人決起百餘尺紅翎白鏃隨傾斜將軍仰笑軍吏賀
五色離披馬前墮

條山蒼

條山蒼河水黃浪

一作滄

波沄沄去松栢在高山

一作岡

贈鄭兵曹

樽酒相逢十載前君爲壯夫我少年樽酒相逢千載後
我爲壯夫君白首我材與世不相當敢一作變更無復望
當今賢俊皆周行君何爲乎亦一作遑遑盃行到君莫
停手破除萬事無過酒

桃源圖

神仙有無何眇茫桃源之說誠荒唐流水盤迴山百轉
生綃數幅垂中堂武陵太守好事者題封遠寄南宮下
南宮先生忻得之波濤入筆驅文辭文工畫妙各臻極
異境恍惚移於斯架巖數谷開宮室接屋連牆千萬日
羸顛劉蹶了不聞地圻天分非所恤種桃處處惟開花

昌三

三

川原遠近蒸紅霞初來猶自念鄉邑歲久此地還成家
漁舟之子來何所物色相猜更問語大地中斷喪前王
羣馬南渡開新主聽終辭絕共悽然自說經今六百年
當時萬事皆眼見不知幾許猶流傳爭持酒食來相饋
禮數不同罇俎異月明伴宿玉堂空骨冷魂清無夢寐
夜半金雞啁浙鳴火輪飛出客心驚人間有累不可住
依然離別難爲情舡開棹進一迴顧萬里蒼蒼煙水暮
世俗寧知僞與真至今傳者武陵人

東方未

一作明

東方半明大星沒獨有太白配殘月嗟爾殘月勿相疑
同光共影須臾期殘月暉暉太白皎皎雞三號更五點

贈唐衢

虎有爪兮牛有角，虎可搏兮牛可觸。奈何君獨抱奇材，手把鋤犁餓空谷。當今天子急賢良，函朝出開明光。胡不上書自薦達，坐令四海如虞唐。

貞女峽

江盤峽束春湍豪，雷風戰鬪魚龍逃。懸流轟轟轉射水，府一瀉百里翻雲濤。漂船摧石萬瓦裂，咫尺性命輕於鴻毛。

贈侯喜

吾黨侯生字叔起，一作起字呼我持竿釣溫水。平明鞭馬出都門，盡日行行荆棘裏。溫水微茫絕又流，深如車轍闊容輶。蝦蟆跳過雀兒浴，此縱有魚何足求。我爲侯生不能已，盤針擘粒投泥滓。晡時堅坐到黃昏，手倦目勞方一起。暫動還休未可期，鰕行蛭渡似皆疑。舉竿引線

呂三

四

忽有得一寸，纔分鱗與鱗。是日侯生與韓子，良久歎息相看悲。我今行事盡如此，此事正好爲吾規。半世遑遑就舉選，一名始得紅顏衰。人間事勢豈不見，徒自辛苦終何爲。便當提携妻與子，南入箕穎無還時。叔迟君今氣方銳，我言至切君勿嗤。君欲釣魚須遠去，大魚豈肯居沮如。

古意

太華峯頭玉井蓮，開花十丈藕如船。冷比雪霜甘比蜜，一片入口沉痾痊。我欲求之不憚遠，青壁無路難夤緣。

一作五月壁

安得長梯上青貫，下種七澤根株連。

八月十五夜贈張功曹

纖雲四卷天無河，清風吹空月舒波。沙平水息聲影絕，

一盃相屬君當歌君歌聲酸且苦不能聽終淚如雨洞
庭連天九疑高蛟龍出沒惺聽號十生九死到官所幽
居默默如藏逃下牀畏地食畏藥海氣濕一作蟄重腥
臊昨者州前推大鼓嗣皇繼聖登真皇赦書一日行萬
里罪從大辟皆除徙遷者追迴流者還滌瑕蕩垢朝清
班州家申名使家抑坎軻祇得移荆蠻判司卑官不堪
說未免捶楚塵埃間同時輩流多上道天路幽險難追
攀君歌且休聽我歌我今與君豈殊科一作我歌今一
年明月今宵多人生由命非由他有酒不飲柰明何

謁衡嶽廟遂宿嶽寺題門樓

五嶽祭秩皆

此一作

三公四方環鎮嵩當中大維地荒足

馱天假神柄專其雄噴雲泄霧藏半腹雖有絕頂誰能

昌三

五

窮我來正逢秋雨節陰氣晦昧無清風潛心默禱若有
應豈非正直能感通須臾靜掃眾峯出仰見突兀撐青
空紫蓋連延接天柱石廩騰擲堆祝融森然魄動下馬
拜松栢一逕趨靈宮粉墻丹柱動光彩鬼物圖畫填青
紅升階偃倮薦脯酒欲以非薄期衷廟內一作老人識
神意睚眦偵伺能鞠躬手持盃瓊導我擲云此最吉餘
難同竄逐蠶荒幸不死衣食纔足甘長終侯王將相望
久絕神縱欲福難為功夜投佛寺上高閣星月掩映雲
瞳矐猿鳴鍾動不知曙杲杲寒日生於東

岫嶠山

岫嶠山尖神禹碑字青石赤形摹竒科斗拳身薤葉披
鸞飄鳳泊攀虎螭事嚴迹秘鬼莫窺道人獨上偶見之

我來咨嗟涕漣漉千搜萬索何處有森森綠樹猿狖一作
啼悲

永貞行

君不見太皇諒陰未出令小人乘時偷國柄北軍百萬
虎與貔天子自將非他師一朝奪印付私黨慄慄朝士
何能為狐鳴梟噪爭置朕閃跳踉相嫉媚夜作詔書
朝拜官超資越序曾無難公然白日受賄賂火齊磊落
堆金盤元臣故老不敢語晝卧涕泣何沈瀾董賢二作
一公誰復惜侯景九錫行可歎國家功高德且厚天位
未許庸夫干嗣皇卓犖信英主文如太宗武高祖膺圖
受禪登明堂共流幽州鮪死羽四門肅穆賢後登數君
匪親豈其朋郎官清要為世稱莽郡迫野嗟可矜湖波
連天日相騰蠻俗生梗瘴癘蒸汀氛嶺後昏若凝一蛇
兩頭見未曾怪鳥爭鳴令人憎蠱虫羣飛夜撲燈雄虺
毒螫憤股肱食中置藥肝心崩左右使令詐難憑慎勿
浪信常兢兢吾嘗一作同僚情可勝具書冒見非妄徵
嗟爾既往宜為懲

洞庭湖阻風贈張十一署

十月陰氣盛北風無時休蒼茫洞庭岸與子維雙舟霧
雨晦爭泄波濤怒相投大雞斷四聽糧絕一作誰與謀
相去不容步險如礙山立清談可以飽夢想接無由男
女喧左右飢啼但啾啾非懷北歸興何用一作勝羈愁
雲外有白日寒光自悠悠能令暫開霽過是吾無求

李有花贈張十一署

江陵城西二月尾花不見桃惟見李風揉雨練雪羞比
波濤翻空杳無淡君知此處花何似白花倒燭天夜明
羣鷄驚鳴官吏起金烏海底初飛來朱輝四射青霞開
迷亂入眼一作人眼看不得照耀萬樹繁如堆念昔
少年者遊燕對花豈曾一作首醉酒盃自從流落憂感集
欲去未到先思迴祇今四十已如此後日更老誰論哉
力攜一樽獨就醉不忍虛擲委黃埃

杏花

居鄰北郭古寺空杏花兩株能白紅曲江滿園不可到
看此寧避雨與風二年流竄出嶺外所見草木多異同
冬寒不嚴地恒洩陽氣發亂無全功浮花浪蕊鎖長有
纔開還落瘴霧中山榴躑躅少意思照耀黃紫徒為叢

昌三

七

鷓鴣鈎輈猿叫歇香謁一作香深谷攢青楓豈如此樹一
來玩若在京國情何窮今日胡為忽怛悵萬片飄泊隨
西東明年更發應更好道人莫忘鄰家翁

感春四首

我所思兮在何所情多地遐今偏處處東西南北皆欲
往千江隔兮萬山阻春風吹園雜花開朝日照屋百鳥
語三盃取醉不復論一生長恨春一作宗何許

皇天平分成四時春風一作氣漫誕最可悲雜花粧林草
蓋地白日座上傾天維蜂喧鳥咽留不得紅萼萬片從
風吹豈如秋霜雖凜一作性列摧落老物誰惜之為此徑

須沽酒飲自外天地棄不疑近憐李杜無檢束爛漫長
醉多文辭屈原離騷二十五不肯鋪啜糟與醅惜哉此

子巧言語不到聖處寧非癡幸逢堯舜明四目條理品
彙皆得宜平明出門暮歸舍醕酤馬上知為誰

朝騎一馬出暝就一林卧詩書漸欲拋節行久已破冠
歌感髮禿語誤悲齒墮辜負平生心已矣如何那

我恨不如江頭人長網橫江遮紫鱗獨宿荒陂射鳧鴈
賣納租賦官不嗔歸來歡笑對妻子衣食自給寧羞貧

今者無端讀書吏智惠只是勞精神盡地著足無處用
兩鬢雪白趨埃塵乾愁謾解坐自累與眾異趣誰相親

數盃澆腸雖暫醉皎皎萬慮醒還新百年未滿不得死
且可勤買置一作拋青春

寒食日出遊夜歸張十一院長見示病中
憶花詩因此投贈

昌三

八

李花初發君始病我往看君花轉盛走馬城西惆悵歸
不忍千株雪相映邈來又見桃與梨交開紅白如爭競
可憐物色阻攜手空展霜縑吟九詠紛紛落盡泥與塵
不共新粧比端正桐華最晚今已繁君不強起時難更
關山遠別固其理寸步難見始知命憶昔與君同聚官
夜渡洞庭看斗柄豈料生還得一處引袖拭淚悲且慶
各言生死兩追隨直置心親無貌敬念君又署南荒吏
路指鬼門凶且復三公盡是知音人曷不薦賢陛下聖
囊空甑倒誰救之我今一食日還併自然憂氣損天和
安得康強保天性斷鶴兩翅鳴何哀繫驥四足氣空橫
今朝寒食行野外綠楊兩岸蒲生進宋玉庭邊不見人輕
浪參差魚動鏡自嗟孤賤足瑕疢持見放縱荷寶政飲

酒寧嫌醜底深題詩尚倚筆鋒勁明宵固欲相就醉有
月莫愁當火令

憶昨行和張十一署

憶昨夾鍾之呂初吹灰社公禮罷元侯迴車載牲牢獲
昇酒並召賓客延鄰放腰金首翠光照曜絲竹迥發清
以哀青天白日花草麗玉宇屢舉傾金罍張君名聲座
所屬起舞先醉長松摧宿醒未解舊店作深室靜卧聞
風雷自期殞命在春序屈指數日憐嬰孩危辭苦語感
我耳淚落不揜何淮淮念昔從君渡湘水大帆夜劃窮
高桅陽山鳥路出臨武驛馬拒地駘頻墮一作墮踐地
如蠱不擇死忽有飛詔從天來一作崖州文未揃一作崖州雖得赦宥怕愁猜近者三茲悉破碎羽窟無底幽黃能

昌三

九

眼中了了見鄉國知有歸日眉方開今君從署天涯吏
投檄北去何難哉无妄之憂勿藥喜一善自足獲千災
頭輕目即飢骨健古劍新斲磨塵埃殃銷禍散百福併
從此直至耆一作耆與駘嵩山東頭伊落岸勝事不假須
穿裁一作裁君當先行我待滿沮溺可繼窮年推

昌黎先生文集卷第三

昌黎先生文集卷第四

古詩

門人李

漢編

劉生詩

生名師命其姓劉自少軒輊非常儔弃家如遺來遠遊
東走梁宋暨揚州遂凌大江極東陬洪濤春天禹穴幽
越女一笑三年留南逾橫嶺入炎洲青鮮高磨波山浮
怪媚炫曜堆蛟虬山獠一作謹譟猩猩愁毒氣爍體黃膏
流問胡不歸良有由美酒傾水角肥牛妖歌慢舞爛不
收倒心迴腸爲青眸千金邀顧不可酬乃獨遇之盡綢
繆瞥然一餉成十秋昔鬚未生今白頭五管歷徧無賢
侯迴望萬里還家着陽山窮邑惟猿猴手持釣竿遠相
投我爲羅列陳前修艾蒿斬蓬利鋤耨天星迴環數繞

乃四

一

周文學穰穰困倉稍車輕御良馬力優咄哉識路行勿
休往取將相酬恩讎

鄭羣贈簞

蘄州笛竹天下知鄭君所寶尤瓌竒攜來當書不得卧
一府傳看黃琉璃體堅色淨又藏節滿眼凝滑無瑕疵
法曹貧賤衆所易腰腹空大何能爲自從五月困暑濕
如坐深甑遭蒸炊手摩袖拂心語口慢膚多汗真相宜
日暮歸來獨惆悵有賣直欲傾家貲誰謂故人知我意
卷送八尺含風漪呼奴掃地鋪未了光彩照耀驚童兒
青蠅側翅蚤虫避肅肅疑有清飈吹倒身甘寢百疾愈
却願天日恒炎曦明珠清玉不足報贈子相好無時衰

豐陵行順宗諱也

羽衛煌煌一百里曉出都門葬天子羣臣雜沓馳後先
宮官穰穰來未已是時新秋七月初金神按節炎氣除
清風飄飄輕雨灑偃蹇旂旆卷以舒逾梁下坂笳鼓咽
喘嶮逐走玄宮虛一作哭聲訇天百鳥噪幽坎書閉空靈
輿皇帝孝心深且遠資送禮備無贏餘設官置衛鑠嬪
妓供養朝夕象平居臣聞神道尚清淨三代舊制存諸
書墓藏廟祭不可亂欲言非職知何如

遊青龍寺贈崔大羣補闕

一本無大字

秋灰初吹季月管日出卯南暉景短友生招我佛寺行
正值萬株紅葉滿光華閃爍見神鬼赫赫炎官張火傘
然雲燒樹大實駢金鳥下啄頰虬外竟翻眼暈一作忘處
所赤氣冲融無間斷有如流傳上古時九輪照燭乾坤

身四

二

早二三道士席其間靈液屢進頗黎益勿一作驚顏色變
韶一作稚却信靈仙非怪誕桃源迷路竟茫茫策杖下悲歌
徒纂纂前年嶺隅鄉思發躑躅成山開不第去歲鞞帆
湘水明霜楓千里隨歸伴猿呼鶻笑鷓鴣啼一作側耳酸
腸難濯滯思君攜手安能得今者相從敢辭懶由來鈍
駘寡叅尋况是儒官飽閑散惟君與我同懷抱鋤去陵
谷置平坦年少得塗未要忙時清諫疏尤宜罕何人有
酒身無事誰家多竹門可款須知節候即風寒幸及亭
午猶妍暖南山逼冬轉清瘦刻畫圭角出崖窵當憂
復被冰雪埋汲汲來窺誠遲緩

贈崔立之評事

崔侯文章苦捷敏高浪駕天翰不盡曾從閔外一作來上

都隨身卷軸車連軫朝為百賦猶鬱怒暮作千詩轉道
緊搖毫擲簡自不供頃刻青紅浮海蜃才豪氣猛易語
言往往蛟螭雜螻蚓知音自古稱難遇世俗乍見那妨
哂勿嫌法官未登朝猶勝赤尉長趨尹時命雖乖心轉
壯伎能虛富家逾窘念昔塵埃兩相逢爭名齟齬持矛
楮子時擅場誇紫距余始張軍嚴鞞鞞爾來但欲保封
疆莫學龐消怯孫臏竄逐新歸厭聞開齒髮早衰嗟可
閔頗蒙怨句刺弃遺豈有閑官敢推引深藏箴箴時一
發戢戢已多如束筍可憐無益費精神有似黃金擲虛
北當今聖人求侍從拔擢杞梓收枯筍東馬嚴徐已奮
飛枚臯即召窮且忍復聞王師西討蜀霜風冽冽摧朝
菌走章馳檄在得賢燕雀紛拏燕鷹鳥隼竊料一塗必處

昌

三

一豈比常人長蠢蠢勸君韜養待徵招不用彫琢愁肝
腎墻根菊花好沽酒錢帛縱空衣可準暉暉管日暖且
鮮穢穢井桐疎更殞高士例須憐趨蘂丈夫終莫生一作
時吟能來取醉任喧呼死後賢愚俱泯泯

送歐弘南歸作區

穆昔南征軍不歸蟲沙猿鶴伏以飛江洶洞庭宿莽微
九疑巉天荒是非野有象犀水貝璣分散百寶人事一作
稀我遷于南日周圍來見者衆莫依稀爰有區子熒熒
暉觀以彛訓或從違我念前人譬藪非洛以芥斤引以
一作徽雖有不逮驅駢駢或採于薄漁于磯服役不辱言
不譏從我荊州來京幾離其母妻絕因依嗟我不道一作
能自肥子雖勤苦終何希王都觀朝雙魏魏騰蹋眾駿

事鞍鞿佩服上色紫與緋獨子之節可嗟唏母附書至
妻寄衣開緘發封一作開書痕淚晞雖不勅還情庶幾朝暮
盤羞惻庭闈幽房無人感蚍蜉人生此難餘可祈子去
吳時若發機蜃沉海底氣外霏彩雉野伏朝扇一作翬處
子窈窕王所妃苟有令德隱不腓况今天子鋪德威蔽
能者誅薦受機出送撫背我涕揮行行正直慎脂韋業
成志樹來頌頌我當爲子言天扉

三星行

我生之辰月宿南斗牛奮其角箕張其口牛不見服箱
斗不挹酒漿箕獨有神靈無時停斂揚無善名以聞無
惡聲以攘名聲相乘除得少失有餘三星各在天什伍
東西陳嗟汝牛與斗汝獨不能神

昌

剝啄行

剝剝啄啄有客至門我不出應客去而嗔從者語我子
胡爲然我不馱客困于語言我嗟子誠一無此四字欲不出納
以湮其源空堂幽幽有結有莞門以兩版叢書於間窅
窅深塹其墉一作客甚完彼寧可墮一作隨此不可干從者語我
嗟子誠難子雖云爾其益實蕃一作其口益繁我爲子謀有萬其
全凡今之人急名與官子不引去與爲波瀾雖不開口
雖不開閤變化咀嚼有鬼有神今去不勇其如後艱我
謝再拜汝無復云往追不及來可待焉不有年一作

青青水中蒲一作三首

青青水中蒲下有一雙魚君今上隴去我在與誰居
青青水中蒲長在水中居寄語浮萍草相隨我不如

青青水中蒲葉短不出水婦人不下堂行子在萬里

孟東野夫子并序

東野連產三子不數日輒失之幾老念無後以悲其友人昌黎韓愈懼其傷也推天假其命以喻之

失子將何尤吾將上九天汝實主下人與奪一何以備彼於汝何有乃令蕃一作繁且延此獨何罪辜生死旬日間上呼無時聞滴地淚到泉地祇為之悲瑟縮久不安乃呼大靈龜騎雲欵天門問天主下人薄厚胡不均天曰天地人由來不相闕吾懸日與月吾繫星與辰日月相噬齧星辰踣而顛吾不汝之罪知非汝由緣且物各有分孰能使之然有子與無子禍福未可原魚子滿母腹一一欲誰憐細腰不自乳舉族長孤懸鳴臬塚母臍母

四

五

死子始蕃一作繁蝮虺生子時坼裂腸與肝好子雖云好未還恩與勤惡子不可說鳴臬蝮虺然有子且勿喜無子固勿歎上聖不待教賢聞語而遷下愚聞語惑雖教無由悛大靈頓頭受即日以命還地祇謂大靈汝往告其人東野夜得夢有夫玄衣巾闐然入其戶三稱天之言再拜謝玄夫收悲以歡忻

次韻和皇甫湜陸渾山火

皇甫補官古陸渾時當大冬澤乾源山狂谷很相吐吞風怒不休何軒軒擺磨出火以自燔有聲夜中驚莫原天跳地踔顛乾坤赫赫上照窮崖垠截然高周燒四垣神焦鬼爛無逃門三光並墜不復暉一作暉噉虎能糜豬逮猴猿水龍鼉龜魚與鼃鴉鴟鴈鷹鶴鷄燂魚煨煖執執雅

奔祝融告休酌卑尊錯陳齊收一作枝闡華園芙蓉披猖
塞鮮繁千鍾萬鼓咽耳喧墳雜啾嘆沸篋墳形幢絳旂
紫燾番炎官熱屬朱冠禪絲其肉皮通脞臀頰肯埵腹
車轆掀緹顏誅一作朱股豹兩韃雷車紅鞞日轂輻丹甃線
蓋緋緇笄紅帷赤幕羅服膳益音池波風肉凌屯詒呀
鉅壑頗黎盆豆登五山瀛四罇熙熙醜醜笑語言雷公
擘山海水翻齒牙嚼齧舌腭五各反及電光礮礮上先念反下徒念反
頰目暖項真收威避玄根斥弃輿馬背敬孫縮身替喘
拳膏跟君臣相憐加愛恩命黑螭偵一作焚其元天闕悠
悠不可援夢通上帝血面論側身欲進叱於闥帝賜九
河前涕淚痕又詔巫陽反其魂徐命之前問何冤火行
於冬古所存我如禁之絕其殮夫丁婦壬傳世婚一朝

縣齋讀書

出宰山水縣讀書松竹一作林蕭條捐末事邂逅得初心
哀狃醒俗耳清泉潔塵襟詩成有共賦酒熟無孤斟青
竹時默酌一作釣白雲日幽尋南方本多毒北客恒懼侵謫
譴甘自守滯留愧難任投章類縞帶佇苔逾兼金

新竹

筍添南塔竹日日成清閔縹緲節已儲霜黃苞猶拚翠出
攔抽五六當戶羅三四高標凌秋嚴身色奪春媚稀生

巧補林併出疑爭一作地縱橫乍依行爛漫忽無次風
枝未飄吹霧粉先涵淚何人可攜玩清景空瞪視

晚菊

少年飲酒時踊躍見菊花今來不復飲每見怕咨嗟
竝立摘滿手行行把歸家此時無與語弃置奈悲何

齒落

去年落一牙今年落一齒俄然落六七落勢殊未已餘
存皆動搖盡落應始止憶初落一時但念詔可恥及至
落二三始憂衰即死每一將落時慄慄怕在已义牙妨
食物顛倒怯漱水終焉捨我落意欲崩山比今來落既
孰見落落空相似餘存二十餘次第知落矣儻常歲一落
一作自足支兩紀如其落落併空與漸亦同拍人言齒之落

壽

七

壽命理難恃我言生有涯長短俱死爾人言齒之豁左
右驚驚諦視我言莊周云木雁各有喜語訛默固好嚼廢
軟還美因歌遂成詩持用託妻子

哭楊兵曹凝陸歙州參

人皆期七十纔半豈蹉跎數出知已渡自然白髮多晨
興為誰慟還坐义滂沲論文與晤語一作新墳已矣兩
一作如何

苦寒

四時各平分一氣不可兼隆寒奪春序顛項固不廉太
早施維綱畏避但守謙遂令黃泉下萌芽天勾尖草木
不復抽百味失苦甜凶飈攬一作擾宇宙鉗刃甚割砭日月
雖云尊不能活烏蟾羲和送日出恇怯煩窺覘炎帝持

祝融呵噓不相炎而我當此時因光何由霑肌膚生鱗
甲衣被如刀鍊氣寒鼻其臭血凍指不拈濁醪沸入喉
口角如銜箝將持匕箸食觸指如排籤侵爐不覺暖熾
炭屢以添探湯無所益何況纒與縑虎豹僵穴中蛟螭
死幽潛熒惑喪躔次六龍脫冰駢芒碣大包內生類恐
盡殲啾啾窻間雀不知已微纖舉頭仰天鳴所願畧刻
淹不如彈射死却得親魚燂鸞鳳一作皇苟不存爾固不
在占其如蠢動儔俱死誰思一作思嫌伊我最稱靈不能安
寢苦一作汝覆苦悲哀激憤歎五藏難安恬中宵倚牆
立淫淚何漸漸天子哀無辜重我下顧瞻寒旒去耳續
調和進梅鹽賢能日登御黜彼傲與儉生風吹死氣豁
達如褰簾懸乳零落墮晨光入前簷雪霜頓消釋土脉

膏且粘豈徒蘭蕙榮施及艾與蒹日莫行鑠鑠風條坐
襜襜天乎苟其能吾死意亦厭

和虞部盧四汀酬翰林錢七微赤藤杖歌

赤藤爲杖世未窺臺郎始攜自滇池滇王掃宮迎使者
跪進再拜語嗚咿繩橋拄過免傾墮性命造次蒙扶持
塗經百國皆莫識君臣聚觀逐旂麾共傳滇神出水獻
赤龍拔鬚血淋漓又云羲和操火鞭暝到西極睡所遺
幾重包裹自題署不以珍怪誇荒夷歸來捧贈同舍子
浮光照羊欲把疑空堂晝眠倚牖戶飛電著壁搜蛟螭
南宮清深禁闈密唱和有類吹埴篴妍辭麗句不可繼
見寄聊且慰分司

崔士少府攝伊陽以詩及書見投因酬子韻

崔君初來時相識頗未慣但聞赤縣尉不比博士慢賃
屋住連牆往來竹莫間我時亦新居觸事苦難辦蔬殮
要同喫破襖請來綻謂言安堵後貸借更何患不知孤
遺多舉族仰薄官有時未朝殮得米日已晏隔牆問謹
呼衆口極驚鴈前計頓乖張居然見真贗嬌兒好眉眼
袴脚凍兩脣捧書隨諸兄累累角尚壯冬惟茹寒糞秋
始識瓜瓣問之不言飢飫若厭芻豢才名三十年夕合
居給諫白頭趨走裏閉口絕謗訕府公舊同袍拔擢宰
山澗一作澗寄詩雜談俳有類說鵬鷄上言酒味酸冬裘竟
未還下言人吏稀惟足彪與戲楷又言致豬鹿此語乃
善幻三年困子師腸肚集藜莧况住洛之涯魴鱒可買
汕肯効屠門嚼父嫌弋者箕謀拙日焦拳活計以鋤剋

高

乃

男寒澁詩書女瘦剩腰襜為官不事職厥罪在欺謾行
當自効去漁釣老葭音亂歲窮寒氣驕冰雪滑磴棧音
問難屢通何由覲清盼

送侯參謀赴河中幕

繼

憶昔初及第各以少年稱君頤始生鬚我齒清如冰爾
時心氣壯百事謂已能一別距幾何忽如隔晨興我齒
豁可鄙君顏老可憎相逢風塵中相視迭嗟矜幸同學
省官末路再得朋東司絕教授遊宴以為怕秋漁蔭密
樹夜博然明燈雪逕詆樵叟一作講叟風廊折談僧陸渾桃
花間有湯沸如蒸三月崧少步躑躅紅千層沙洲厭晚
坐嶺壁窮晨昇沉真不計日為樂不可勝遷滿一已異
乖離坐難憑行行事結束人馬何躑躅感激生膽勇從

軍豈嘗曾洗洗司徒公天子爪與肱提師十萬餘四海
欽風稜河北兵始進蔡州帥新募曷不請掃除活彼黎
與蒸鄙夫誠怯弱受恩愧徒引猶思脫儒冠弃死取先
登又欲面言事上書求詔徵侵官固非是妄作譴可懲
惟當待責免耕斲歸溝塍今君行得所勢附作若脫鞴鷹
擲筆無與讓幕謀識其膺收績開史牒翰飛逐溟鵬曳
兒貴立事流景不可乘歲老陰作雲頽雪翻崩別袖
拂洛水征車轉峭陵勤勤酒不進勉勉恨已仍送君出
門歸愁腸若牽繩默坐念語笑癡如遇寒蠅策馬誰可
適晤言誰為應席塵惜不拂殘罇醅空凝信知後會時
日月屢環紉生期理行役歡緒絕難承寄書惟在頻無
怪簡與繒

東都遇春

少年氣直狂有意與春競行逢二三月九州花相映川
原曉服鮮桃李晨粧靚荒乘不知疲醉死豈辭病飲噉
一作惟所便文章倚豪橫爾來曾幾時白髮忽滿鏡舊遊
喜乖張新葦足嘲評一作心腸一變化者見時節盛得閑
慵來鳥喚昏不醒為生鄙計無一作益米屢告罄坐疲都忘
起冠側嬾復正幸蒙東都官獲離機與弄乖慵遭傲僻
漸染生弊性既去焉能追有來猶莫聘有舩魏王池往
往從孤泳水容與天色此處皆綠淨岸樹共紛披渚牙
相緯經懷歸苦不果即事最幽並貪求匪名利所得亦
以併悠悠度朝昏落落一作魄捐季孟羣公一何賢上戴天

子聖謀謨收禹績四面出雄勁轉輸非不勤稽逋有軍
令在庭百執事奉職各祗敬我獨何暗為哉坐與億兆
慶譬如籠中鳥仰給活性命為詩告友生負愧終究竟

感春五首

辛夷花高最先開青天露坐始此迴已呼孺人曼鳴瑟
更遣稚子傳清杯選壯軍典六為用坐狂朝論無由陪
如今到此得閑處還有詩賦助康哉

洛陽東風幾時來川波岸柳表全迴官門一鎖不復啓
雖有九陌無塵埃策馬上橋朝日出樓闕赤白正崔嵬
孤吟屢闕莫與和寸恨至短誰能裁

春田可耕時已催主師北討何當迴放軍一作載草農事
濟戰馬苦飢誰念哉蔡州納節舊將死起居諫議聯翩

子

二

來朝廷未省有遺策肯不垂意餅與蠶

前隨杜尹拜表迴笑言溢口何歡哈孔丞別我適臨汝
風骨峭峭遺塵埃音容不接祗隔夜凶訃誰可相尋來
六公高居鬼神惡欲保性命誠難哉

辛夷花房忽全開將衰正盛須頻來清晨輝輝燭霞日
薄暮耿耿和煙埃朝明夕暗口一作歎況乃滿地成摧頽
迎繁送謝別有意誰復留念少環迴

酬裴十六功曹巡府西驛塗中見寄

相公罷論道聿至活一作康東人御史坐言事作吏府中

塵遂令河南治今古無儔倫四海日富庶道塗隘蹄輪
府西三百里候館同魚鱗相公謂御史勞子去自巡是
時山水秋光景何鮮新哀鴻鳴清耳宿霧捲高旻遺我

行旅詩軒軒有風神譬如黃金盤照耀荆璞真我來亦
已幸事賢友其仁持竿汲水側孤坐屢窮良多才自勞
苦無用祇因循辭免期匪遠行行及山春

燕河南府秀才 得生字

吾皇紹祖烈天下再太平詔下諸郡國歲貢鄉曲英元
和五年冬房公尹東京功曹一言公一作上是月當登名
乃選二十縣試官得鴻生羣真已材相賀簡擇精怒
起黻羽翻引吭吐鏗轟此都白周公文章繼名聲自非
絕味尤難使耳目驚今者遭震薄不能出聲鳴鄙夫忝
縣尹愧慄難為情惟求文章寫不敢妬與爭還家勅妻
兒具此前煎烹柿紅蒲桃紫有果相扶擎芳茶出蜀門
好酒濃且清何能充歡燕庶以露厥誠昨聞詔書來確

公作邦楨黼文人得其軀文道當大行陰風攪短日冷
雨澁不晴勉哉戒徒馭家國遲子榮

送李翱

廣州萬里塗山重江逶迤行行何時到誰能定歸期
指出門去顏色異怕時雖云有追送足跡絕自茲人生
一世間不自張與施譬如浮一不縱橫豈自知寧懷別
時苦勿作別後思

送石處士赴河陽幕

長把種樹書人云避世士忽騎將軍馬自號報恩子風
雲入一作凡壯懷泉石別幽耳鉅鹿師欲老常山險猶恃
豈惟彼相憂固是吾徒一去去事方急酒行可以起

送李正字歸湖南

長沙入楚深洞庭值秋晚人隨鴻鴈少江共蒹葭遠歷
歷余所經悠悠子當返孤艇懷耿介旅宿夢婉婉風土
稍殊音魚蝦日異飯親交俱在此誰與同息偃

翰林國史院官書

昌黎先生文集卷第四

